

Na osnovu člana 16. stav (2) Zakona o Vladi Zeničko-dobojskog kantona- Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članovima 48. i 52. Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), na prijedlog Ministarstva za privredu, Vlada Zeničko-dobojskog kantona, na 72. sjednici, održanoj 14.03.2025. godine, donosi

ODLUKU
O USVAJANJU PROGRAMA UTROŠKA BUDŽETSKIH
SREDSTAVA OD KONCESIJA MINISTARSTVA ZA PRIVREDU U 2025.
GODINI-IZVOR 30

Član 1.
(Predmet)

Usvaja se Program utroška budžetskih sredstava od koncesija Ministarstva za privredu u 2025. godini-Izvor 30 u razdjelu 18-Ministarstvo za privredu, budžetska organizacija 01, potrošačka jedinica 0001, Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), ekonomski kod 615 100 (IAD002)-pozicija „Kapitalni transferi drugim nivoima vlasti“-Izvor 30 u iznosu 800.000,00 KM, ekonomski kod 613 900-pozicija „Ugovorene i druge posebne usluge“, odnosno subanalitika (IAD002)-pozicija „Ostale ugovorene usluge- Realizacija projekata Vlade koji se finansiraju iz prihoda od koncesija“-Izvor 30 u iznosu 25.000,00 KM, ekonomski kod 613 900-pozicija „Izdaci za komisije, zastupnike i druge samostalne djelatnosti“-Izvor 30 u iznosu 25.000,00 KM i ekonomski kod 614 100- pozicija „Tekući transferi drugim nivoima vlasti“, odnosno subanalitika (IAD001)-pozicija „Tekući transfer općinama po osnovu prihoda od koncesija“-Izvor 30 u iznosu 2.500.000,00 KM, u ukupnom iznosu 3.350.000,00 KM (slovima: trimilionatristotinepedesethiljada konvertibilnih maraka), koji čini sastavni dio ove odluke.

Član 2.
(Način realizacije)

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu, planovima novčanih tokova Budžeta Zeničko-dobojskog kantona te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3.
(Realizacija Odluke)

Za realizaciju ove odluke zadužuju se Ministarstvo za privredu i Ministarstvo finansija, svako u okviru svojih nadležnosti.

Član 4.
(Stupanje na snagu)

Odluka stupa na snagu danom donošenja i objaviti će se u „Službenim novinama Zeničko-dobojskog kantona“.

Broj: 02-11-4955/25
Datum, 14.03.2025. godine
Zenica

PREMIJER

Nezir Pivić

DOSTAVLJENO:
1x Ministarstvo za privredu,
1x Ministarstvo finansija,
1x „Službene novine Zeničko-dobojskog kantona“,
1x a/a.



PROGRAM
UTROŠKA BUDŽETSKIH SREDSTAVA OD KONCESIJA
MINISTARSTVA ZA PRIVREDU U 2025. GODINI-IZVOR 30

Zenica, mart 2025. godine

1. NAZIV PROGRAMA

Program utroška budžetskih sredstava od koncesija Ministarstva za privredu u 2025. godini-Izvor 30 planiranih na razdjelu 18-Ministarstvo za privredu, budžetska organizacija 01, potrošačka jedinica 0001, u Budžetu Zeničko-dobojskog kantona za 2025. godinu ("Službene novine Zeničko-dobojskog kantona", broj: 25/24) od uplaćenih koncesionih naknada.

2. ZAKONSKI OSNOV ZA DONOŠENJE PROGRAMA UTROŠKA BUDŽETSKIH SREDSTAVA OD KONCESIJA MINISTARSTVA ZA PRIVREDU U 2025. GODINI-IZVOR 30

Izrada Programa utroška budžetskih sredstava od koncesija Ministarstva za privredu u 2025. godini-Izvor 30 propisana je članovima 48. i 52. stav 1. Zakona o izvršavanju Budžeta Zeničko-dobojskog kantona za 2025. godinu ("Službene novine Zeničko-dobojskog kantona", broj: 25/24).

3. SVRHA PROGRAMA I VISINA SREDSTAVA

Svrha Programa je korištenje finansijskih sredstava odobrenih Budžetom Zeničko-dobojskog kantona za 2025. godinu, („Službene novine Zeničko-dobojskog kantona“, broj: 25/24) u ukupnom iznosu **3.350.000,00 KM** (slovima:trimilionatristotinepedesethiljada konvertibilnih maraka) utvrđenih na slijedećim pozicijama:

- ekonomski kod 615 100 (IAD002)- pozicija „Kapitalni transferi drugim nivoima vlasti“-Izvor 30 u iznosu 800.000,00 KM,
- ekonomski kod 613 900-pozicija „Ugovorene i druge posebne usluge“, odnosno subanalitika (IAD002)-pozicija „Ostale ugovorene usluge- Realizacija projekata Vlade koji se finansiraju iz prihoda od koncesija“-Izvor 30 u iznosu 25.000,00 KM
- ekonomski kod 613 900-pozicija „Izdaci za komisije, zastupnike i druge samostalne djelatnosti“-Izvor 30 u iznosu 25.000,00 KM,
- ekonomski kod 614 100-pozicija „Tekući transferi drugim nivoima vlasti“, odnosno subanalitika (IAD001)-pozicija „Tekući transfer općinama po osnovu prihoda od koncesija“-Izvor 30 u iznosu 2.500.000,00 KM.

Ovaj program usaglašen je sa Strategijom razvoja Zeničko-dobojskog kantona za period 2021.-2027. godina, te sa nadležnostima Ministarstva za privredu.

4. IZVORI FINANSIRANJA

Izvori finansijskih sredstava su uplaćene koncesione naknade od koncesionara koje su regulisane koncesionim ugovorima potpisanim između Ministarstva za privredu i privrednih subjekata koji realiziraju koncesione projekte istraživanja i eksploatacije mineralnih sirovina na području Zeničko-dobojskog kantona.

Raspodjela prihoda od koncesione naknade vrši se prema Odluci o načinu raspodjele i korištenju finansijskih sredstava prikupljenih po osnovu kontinuirane i jednokratne naknade od koncesija ("Službene novine Zeničko-dobojskog kantona", broj: 1/13 i 11/2022), na način da omjer 70% prikupljenih sredstava pripada općinama/gradovima (JLS) na čijoj teritoriji se nalazi koncesiono polje, a 30% Kantonu.

5. NAČIN REALIZACIJE

Imajući u vidu raspoloživa sredstva iz tačke 3. ovog Programa, Ministarstvo za privredu planiralo je utrošak finansijskih sredstava na slijedeći način:

5.1. Sufinansiranje industrijskih/poslovnih zona

Iznos: 800.000,00 KM

Svrha: U proteklim godinama, Ministarstvo je, shodno javnim pozivima, sufinansiralo jedinicama lokalne samouprave izradu projektne dokumentacije za poslovne zone, izgradnju komunalne infrastrukture unutar poslovnih zona, kao i otkup zemljišta u svrhu osnivanja/proširenja poslovnih zona na području Zeničko-dobojskog kantona. Ministarstvo je planiralo u 2025. godini, shodno zaprimljenim odgovorima od jedinica lokalne samouprave u kojima su iznijele svoje planove za ulaganja u poslovne zone, a u skladu sa članom 3. stav (2) alineja b) Odluke o načinu raspodjele i korištenju finansijskih sredstava prikupljenih po osnovu kontinuirane i jednokratne naknade od koncesija, utrošiti sredstva po dva osnova i to: a) za sufinansiranje izgradnje komunalne infrastrukture unutar poslovnih zona na području Zeničko-dobojskog kantona i b) otkup zemljišta u svrhu osnivanja/proširenja poslovnih zona na području Zeničko-dobojskog kantona.

Organizacija – primalac: Općine/Gradovi (JLS) Zeničko-dobojskog kantona

Kriterij: Ministarstvo će raspisati javni poziv za dodjelu sredstava u skladu sa Uputstvom o postupcima i kriterijima za odobravanje i dodjelu sredstava poticaja namijenjenih subvencioniranju troškova organizacije, izgradnje poslovnih zona i otkupa zemljišta u svrhu uspostavljanja/proširenja poslovnih zona na području Zeničko-dobojskog kantona na koje Vlada Zeničko-dobojskog kantona daje saglasnost, članom 34. stav (2) Zakona o izvršavanju Budžeta Zeničko-dobojskog kantona za 2025. godinu, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH”, broj: 37/24), u mjeri u kojoj je primjenjivo. Javni poziv, će u skladu sa Uputstvom, tačkom 26.c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti dodjela sredstava, sve u cilju efikasne, ekonomične i efektivne upotrebe budžetskih sredstava.

Realizacija ciljeva: Realizovati projekte sufinansiranja izgradnje komunalne infrastrukture unutar poslovnih zona i otkupa zemljišta u svrhu uspostavljanja/proširenja poslovnih zona na području Zeničko-dobojskog kantona

5.2. Provođenje postupaka dodjele koncesije, nadzora i realizacije koncesionih ugovora

Iznos: 50.000,00 KM

Svrha: U skladu sa Zakonom o koncesijama (Prečišćeni tekst) („Službene novine Zeničko-dobojskog kantona“, broj: 5/03) te Pravilnikom za ocjenu najpovoljnije ponude za dodjelu koncesija za istraživanje i eksploataciju mineralnih resursa („Službene novine Zeničko-dobojskog kantona”, broj: 3/03), Ministarstvo provodi postupak dodjele koncesije putem Komisije za procjenu javnog interesa i Komisije za dodjelu koncesije za istraživanje i eksploataciju mineralnih resursa koje imenuje ministar. Komisije čine predstavnici ministarstava Kantona i predstavnik jedinice lokalne samouprave na čijem lokalitetu se razmatra mogućnost dodjele koncesije.

Svi koncesioni ugovori sadrže i obavezu kontrole i utvrđivanja eksploatisanih količina mineralnih i drugih sirovina. Posebno značajno je utvrđivanje eksploatisanih mineralnih sirovina sa predstavnicima privrednih subjekata (koncesionara). Stoga je neophodno povremeno izvršiti kontrolna geodetska mjerenja kamenoloma, koje vrše isključivo ovlašteni privredni subjekti. Izbor izvođača geodetskih mjerenja vrši se shodno Zakonu o javnim nabavkama („Službeni glasnik BiH“, broj: 39/14, 59/22 i 50/24).

Obzirom na navedeno, sredstva će se utrošiti za naknade za rad Komisije za procjenu javnog interesa, Komisije za dodjelu koncesije za istraživanje i eksploataciju mineralnih resursa, Stručne komisije za utvrđivanje količine mineralne sirovine koje su eksploatisane, prodane (otpremljene) ili utrošene u korist koncesionara u skladu sa ugovorima o koncesiji koje je, u okviru svojih nadležnosti, potpisalo Ministarstvo, kao i za pribavljanje stručnih mišljenja o Studijama/Elaboratima putem provođenja postupka javnih nabavki.

Organizacija – primalac: Najpovoljniji ponuđač za provođenje geodetskih mjerenja i davanje stručnog mišljenja na Studiju/Elaborat te članovi komisija

Kriterij: Elementi utvrđeni Javnim pozivom, javnom nabavkom i Odlukom Vlade Kantona

5.3. Transfer općinama/gradovima po osnovu prihoda od koncesija

Iznos: 2.500.000,00 KM

Svrha: Odlukom o načinu raspodjele i korištenju finansijskih sredstava prikupljenih po osnovu kontinuirane i jednokratne naknade od koncesija ("Službene novine Zeničko-dobojskog kantona", broj: 1/13 i 11/2022) regulisano je da se naknade po osnovu potpisanih koncesionih ugovora raspoređuju na način da omjer 70% prikupljenih sredstava pripada općinama/gradovima (JLS) na čijoj teritoriji se nalazi koncesiono polje, a 30% Kantonu. Navedeni omjer 70% od prikupljenih sredstava isplaćuje se po osnovu ove tačke Programa.

Organizacija – primalac: Općine/Gradovi (JLS) Zeničko-dobojskog kantona na čijoj teritoriji se nalazi koncesiono polje

Način i postupak prenosa: Po osnovu izvještaja Ministarstva finansija o uplati koncesione naknade, Ministarstvo za privredu izrađuje nalog za uplatu odnosno transfer 70% od uplaćenog iznosa JLS na čijem području se nalazi koncesiono polje.

6. REKAPITULACIJA

R.br.	Naziv	Planirana sredstva /KM/
1.	Sufinansiranje industrijskih/poslovnih zona	800.000,00
2.	Provođenje postupka dodjele koncesije, nadzora i realizacije koncesionih ugovora	50.000,00
3.	Transfer općinama/gradovima po osnovu prihoda od koncesija	2.500.000,00
UKUPNO		3.350.000,00

7. NAČIN I ROKOVI IZVJEŠTAVANJA

O utrošku sredstava po ovom Programu, Ministarstvo za privredu dužno je polugodišnje izvještavati Vladu Zeničko-dobojskog kantona.

Broj: 02-11-4955/25

Datum, 14.03.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za privredu,

1x Ministarstvo finansija,

1x „Službene novine Zeničko-dobojskog kantona“,

1x a/a.